

明史攷證攬逸

明史攷證擴逸卷三十六

長洲王頌蔚編集

列傳第一百九十三 宦官二

李芳傳

芳以能持正見信任

改芳卽受知
頗見信任

按芳事穆宗雖差勝於同類然以能持正許之未免
稍過

而是時司禮諸閹滕祥孟冲陳洪方有寵

按明實錄滕祥乃御用太監未掌司禮與此互異

給事中石星李已陳吾德御史詹仰庇尙寶丞鄭履漳
皆廷杖削籍

按陳吾德傳時命中官崔敏市珍寶李已執奏不從
吾德復偕已上疏帝怒杖已百錮獄斥吾德爲民是
吾德未經廷杖與此稍異

馮保傳

斥孟冲而奪其位

按胡濬傳神宗卽位之六日命馮保代孟冲掌司禮
監是保代冲在神宗登極後與此稍異

所昵孫海客用

按時慈聖太后使保捕孫海客用杖而逐之見張居
正傳又按馬經綸傳有萬厯二十二年五城御史籍
中官客用家事是客用後復召還旋以得罪又被籍

也

居正以遺疏薦其座主潘晟入閣

按張居正傳稱潘晟爲馮保所受書者故強居正薦之而此傳則謂晟爲居正座主蓋薦晟本出保意居正又以座主故曲徇之合兩傳參觀情事乃備

東宮舊閣張鯨張誠乘間陳其過惡請令閒住

按李沂傳稱言官競劾張鯨時或謂鯨罪不至如馮保以張誠掌司禮素德保故授意言者發之云云誠旣德保不應陳其過惡核其情事與此互異

張鯨傳

二十四年春以誠聯姻武清侯擅作威福降奉御司香

孝陵

按馬經綸傳張誠失帝意會誠家奴錦衣千戶霍文炳當遷指揮僉事帝以是罷之斥逐三十餘人事在二十三年與此微異

而其用事司房邢尙智招權受賕

司房改私人

按職官志提督東廠太監一員掌班領班司房無定員又稱內官司禮監如外庭元輔掌東廠權如總憲各設私臣掌家掌班司房等員據此司房乃太監之屬閣參考諸書及列傳邢尙智本入張鯨幕中用事之人如徐爵之於馮保並非宦者不可稱司房

陳增傳

鹽務少監亦奏守訓等阻塞鹽課

按郭正域傳兩淮稅監魯保請給關防兼督江南浙江織造沈鯉持不可正域亦力爭明史紀事本末又有歙縣監生吳養晦投稅監魯保之文是保亦兼領稅監

陳增附傳

遂誣襄陽知府李商畊

按明史紀事本末作荊州知府李商畊

武昌兵備僉事馮應京劾奉十大罪

按馮應京傳稱應京抗列奉九大罪互異

梁永傳

知縣宋時際怒勿予

按宋時際華珏傳作宗時際明史紀事本末作宋時
隆互異

陝西巡撫顧其志盡發其姦

按余懋衡傳時梁永慮軍民爲難召亡命環甲自衛
御史王基洪聲言永必反具陳永斬關及殺掠吏民
狀巡撫顧其志頗爲永諱永乃藉口辨與此情事互
異

梁永附傳

誣劾尋甸知府蔡如川

按明史紀事本末作雲南知府蔡如川

陳矩傳

爲人平恕識大體

改爲人頗以平恕稱

按陳矩在內官中雖稍稍平恕至許以能識大體未免過實

自朝房至勳戚大臣門

至

謀易太子

按續憂危竝議內尙有陳汝忠鄭國泰二人之名此未載

矩正色拒之

改矩拒不肯聽

按矩不肯誣陷沈鯉等亦迫於公論而然未可謂之正色拒絕原傳未允

御史曹學程以阻封日本酋關白事

至

竟得釋

按曹學程傳學程久繫獄遇赦不原救者率不聽三十四年九月始用朱廣言謫戍湖廣寧遠衛與此稍異

魏忠賢傳

變姓名曰李進忠

按忠賢初名進忠與李選侍心腹閹李進忠者本屬二人以楊漣疏參及忠賢忠賢求救於王安安爲委罪於選侍宮中之李進忠以飾外廷外廷不能辨也
見明史紀事本末

廕其子侯國興弟客光先及忠賢兄釗俱錦衣千戶

按明史紀事本末作加客氏子國興錦衣指揮使與

此作千戶異

逐魏朝

按朝被逐後忠賢矯旨發鳳陽縊殺之見明史紀事

本末

引其私人魏廣微爲大學士御史郭鞏

引下刪其字御史改給事中

按郭鞏遷安人本官給事中見周宗建傳此作御史

誤

向高及禮部尙書翁正春

改葉向高及掌詹事翁正春

按楊漣上疏在天啟四年時禮部尙書爲林堯俞繼之者爲薛三省非翁正春明史紀事本末則稱詹事翁正春考之正春本傳蓋以禮部尙書協理詹事府

事非眞長禮部也

呈秀乃造天鑒同志諸錄至獻於忠賢

按天鑒錄皆閹黨名姓有眞心爲國不附東林橫被排斥久抑林野冷局外轉諸目凡一百三人同志錄皆東林黨人所列政府十一人部院五十七人卿寺十三人臺省七十六人部曹四十一人藩臬以下二十六人貲郎武弁山人二十一人點將錄以坊行水滸傳晁蓋及宋江等一百八人天罡地煞之數分配東林諸人姓名

中書吳懷賢至籍共家

按明史紀事本末懷賢見楊漣疏擊節稱快旁注曰

當如任守忠卽時安置同官傅應星入告忠賢卽逮
下獄拷死與此互異

武弁蔣應陽爲廷弼訟冤立誅死

按明史紀事本末材官蔣應陽以熊廷弼下獄代爲
投揭白冤復入監左右之忠賢緝獲以所攜圖畫指
爲妖書寘之重辟

評事許志吉

按明史紀事本末作太僕寺丞許志吉又作太僕寺
副皆與此異

又吏部尙書周應秋至又有十孩兒四十孫之號

按十狗十孩兒姓名史未臚載其見於列傳者十狗

祇有周應秋曹欽程二人十孩兒祇有李魯生石三畏二人

而薊州道胡士容至皆下獄論死

按明史紀事本末胡士容以崔呈秀薦其妾弟蕭惟中爲守備不從欲建祠於薊州又不聽遂激忠賢怒下獄與此稍異

偶出歸私第騶從赫奕照衢路望若鹵簿

按時客氏在宮中乘小轎如妃嬪禮往私宅內侍王朝忠等數十人著紅玉帶前驅客氏乘輿由嘉德門經月華門至乾清宮前亦不下輿侍從呼殿之盛遠過聖駕鐙炬簇擁熒然白晝在外或住旬日忠賢促

之始入出入皆以五更見明史紀事本末

斥應元

按崇禎遺錄信府承奉徐應元王國用皆忠賢黨上
卽位命以潛邸服玩器用賜皇親劉效祖周奎二人
匿其半他日較射上見應元棕帽金頂乃潛邸物詰
責之應元惶恐謝於是并國用褫逐之與此稍異

王體乾附傳

行十五萬金於體乾及司禮王永祚王本政求援

按明史紀事本末永貞聞忠賢敗餽太監王體乾王
永祚王文政各五萬金懼泄以獻內承運庫其情事
相合惟王本政作王文政

善書好學有文

改儕輩中頗知書

永貞多密謀

至見者憐之

改永貞讎通文墨以若愚識

其密謀忠賢敗楊維垣首劾永貞并及若愚佐逆狀充孝陵淨軍已御史劉重慶以李實誣高攀龍等七人事劾實實疏辨言係空印紙乃忠賢逼取之令永貞填書者帝驗疏墨在朱上遂誅永貞而韓爌等定逆案以若愚刀筆深文朋姦害政坐大辟若愚既長繫囚作酌中志四卷以自飾久之竟得釋時以爲失刑云

按劉若愚爲李永貞黨崇禎初定逆案在首逆同謀中原傳乃以其曾作酌中志自白己冤遂信爲實然曲加開脫殊爲是非失當據明史紀事本末諸書改

張彝憲傳

乃復思用近侍

按明史紀事本末是年九月又命太監唐文征提督

京營戎政十一月以太監李奇茂監視陝西茶馬吳直監視登島兵餉又李曰輔傳時又命張國元監軍東協王之心中協鄧希詔西協

高起潛傳

在內侍中以知兵稱帝委任之

改不知所自進帝數以兵柄委之

按起潛自在兵間未嘗決一死戰畏憚觀望欺罔冒功以致明社淪胥實爲罪首安可謂之知兵原傳殊爲失當

在邊鎮者悉名監視

按明史紀事本末時監視之設止多一扣餉之人監視欲滿則督撫鎮道皆有所恃以飾功掩過故邊吏

皆樂有監視而上方倚任中官不察也所言弊竇較此爲詳

八年

按八年冬十一月起潛弟廕錦衣衛中所正千戶世襲見明史紀事本末

守城諸璫縋之上

按時守陵太監申芝秀自昌平降賊亦縋上入見備述賊犯上不道語請遜位上怒叱之見明史紀事本末

王承恩傳

本朝賜地六十畝建祠立碑旌其忠附葬故主陵側

改本

朝因禮部議立碑祠祀以
旌之耐葬莊烈帝陵側

按承恩立碑祠祀由禮部議明末殉難諸臣而并及
之恭載 世祖章皇帝實錄

列傳第一百九十四 閹黨

焦芳傳

怨劉健尼己

按是時李傑亦自翰林出爲南祭酒服闋待除徐溥
欲還傑故官劉健不可曰焦芳日夜伺此今日援傑
他日能拒芳耶溥不聽及傑入芳亦兼程至因授太
常少卿兼學士見識大錄

會文升去

按文升致仕在正德元年四月見明實錄

芳陰洩其謀於瑾

按上疏時文等告芳芳佯曰我大臣也知格君心而已及帝召諸臣左順門芳故曳履徐行曰今日之事爲首者當之是日帝不得已允文等奏待明日發旨捕瑾等下獄會日暮芳卽馳白瑾且洩羣臣詰朝伏闕之謀其事乃變見明史紀事本末

俄進編修

按四年七月內批陞黃中編修見明實錄

因下四人詔獄

按是時劉宇阿瑾意劾有司訪舉失實遂下四人詔

獄見明史紀事本末

而榜逐餘姚人之爲京官者

按是時周禮等四人並戍邊見明實錄

宜裁減解額五十名

按芳旣裁江西解額復增河南陝西山西山東各三十餘名會試南北有定額乃以四川入南卷而均南北各一百五十名見明實錄

數於衆中斥芳父子

按上官岑濬沒入家口當給賜大臣芳聞濬妾美求得嬖之至與妻操刀相賊而黃中乘芳卧病烝焉瑾聞其事於衆中斥之會南司業缺芳欲擠汪俊爲瑾

所斥愈媿沮寘鐔初平禮部以黃中充頌詔使瑾復
於左順門斥芳芳乃乞歸見識大錄

焦芳附傳

按字總督宣大時論功加太子少保及入爲左都御
史加太子太保見明實錄

尋轉兵部尙書

按字爲兵部託保國公家人朱瀛者日通瑾凡司員
有不附己者宇必使瀛言於瑾令外補兵部郎中楊
廷儀廷和弟也尤諂事宇廷儀能文字章奏皆廷儀
爲之見明史紀事本末

張綵傳

安定人

安定上加鞏昌二字

按地理志安定有二一屬延安一屬鞏昌皆隸陝西
考識大錄綵鞏昌安定人

與戶部右侍郎韓鼎同廷謝

按綵廷謝後詣瑾瑾預置酒待謂綵曰今日非都憲
我幾爲老韓羞死自是相倚愈深見明史紀事本末
其他因賄得禍者甚衆

按貂璫史鑑瑾納綵言畫暮夜卻金故事於門外人
咸以爲笑及有因賄得罪者乃知由綵謀益惡之
苛斂之害爲少衷中外或稱綵能導瑾爲善矣

改然瑾貪斂卒

莫之改而人愈以此惡綵險譎矣

按明史紀事本末稱瑾雖納綵言然終莫能改此稱其苛斂少衰未協且綵教瑾此舉借詭譎之謀爲掩覆之計謂其導瑾爲善尤失實

改擬同瑾謀反瘐死獄中

按貂璫史鑑瑾一日語綵曰今天下之怨集於予且奈何綵曰主上無子勢必立宗室子若長且賢公受禍矣不如援幼弱者瑾曰善居數日語綵曰無以宗室爲也吾自取之綵告不可瑾怒擲以茗盤綵不敢言及瑾敗卒坐同反

顧秉謙傳

遂與朱國禎朱延禧俱入參機務

顧改

按國楨字文寧見通鑑輯覽

晉少保

下增改中極殿四字

按宰輔年表秉謙以五年九月晉左柱國少師改中極殿大學士

顧秉謙附傳

給事中魏大中御史李應昇連劾之

按大中劾廣微廣微上疏自理應昇疏繼上語尤切直且引失誤朝賀筭四十祭奠失儀杖一百律嚴旨切責之見明史紀事本末

令眾輔分任

按是時帝諭內閣令次輔等分票各本勿得袖手坐

視伴食依回蓋廣微求忠賢爲之也見文秉先撥志始

楊漣等六人之逮也至亟請廣微諫止

按漣等之逮在天啟五年六月景榮卽以七月免歸見明史紀事本末

廣微益懼至然廣微卒不自安

按先撥志始涿州馮銓始出廣微幕下廣微甚相推引銓復結好忠賢謀入閣忠賢因令王體乾侍上時舉甘羅故事銓又令御史張樞疏催枚卜內有黑頭相公英妙未可少也等語廣微忌之具揭忠賢阻其枚卜銓入相後遂與崔呈秀等暗毀廣微適廣微有

救楊左之搢忠賢怒遂不可解

初矯旨罪主考丁乾學

按乾學官檢討典試江西策問中引汪直劉瑾忠賢怒降級調外未及赴會錦衣僉事高守謙與乾學有宿怨遂嗾忠賢使緹騎擁入乾學寓矯稱有詔乾學方俯伏守謙等立斃之見明史紀事本末

以本官兼內閣大學士

內改東

按職官志明制無內閣大學士凡初入閣者率加東閣大學士此作內閣誤宰輔年表亦作東閣

崔呈秀傳

明年八月冒寧錦功加太子太傅

八改七

按七卿年表呈秀之加太子太傅在七年七月其加少傅兼太子太傅遷兵部則八月事也

御史楊維垣賈繼春相繼力攻

按是時繼維垣等劾呈秀者爲南京兵部侍郎潘如禎給事中許可徵等見明史紀事本末

崔呈秀附傳

林梓橋

梓橋改枝喬

按明實錄先撥志始俱作林枝喬此誤

再劾戶部侍郎孫居相御史夏之令及故吏部尙書崔景榮吏部尙書李宗延等數十人

按明史紀事本末是時如尙寶少卿史記事戶部主

事李孔度中書舍人吳之瑞刑部侍郎朱世守太常少卿金世俊江西按察使米萬鍾薊州參議王繼謨皆先後爲文煥所劾者

遷淮揚參議

按吉遷淮陽參議時不欲外出言之忠賢格部疏不下尙書周應秋希指留部擢用遂遷太常少卿見山書

決不待時者六人

決不待時改減等論斬

按莊烈帝所定逆案内開首逆同謀崔呈秀等六人依謀大逆但其謀者不分首從皆凌遲處死律減等論斬並非決不待時也且六人中除崔呈秀李朝欽

先期自縊外惟魏良卿侯國興李永貞案法棄市劉若愚則長繫久之旋得釋當時且指爲失刑則其非決不待時尤明矣此所載誤

劉志選傳

志選惑家人言謂已老必先忠賢死竟上之

按志選疏末復云廠臣殫忠弼亮協贊中興今有伏莽之姦藏頭露尾投間抵隙思爲一網打盡之計伏乞敕下緝事衙門嚴拏究治見先撥志始蓋卽指匿名榜也

未幾志選疏頌要典

未幾改七年

按通鑑輯覽志選疏頌要典在天啟七年而慎行本

傳稱慎行爲志選所劾謫戍寧夏未行而莊烈帝卽位其在七年無疑此僅泛稱未幾而於下九行方系以七年則此一節竟似六年事矣

七年

七改是

其年

改未幾

劉志選附傳

歷官御史

按夢環爲御史先後誣劾兵部侍郎唐世濟御史張潑徐如翰兩廣總督何士晉給事中程柱沈惟炳並獲重譴見明史紀事本末

顧事重忠賢亦不能驟行

明史紀事本末卷三十一
按是時忠賢將從中究其事大學士李國禎及王體
乾交沮之事乃已見明史紀事本末

且詔建祠薊州

按薊州生祠成兵備副使耿如杞見其像垂旒執笏
惡之長揖不拜詔卽劾之逮下鎮撫司掠治旋送刑
部尙書薛貞生以大辟論斬見山書

久之起故官

按明實錄輔忠起故官天啟元年官順天府丞是時
奄人劉朝田詔坐盜竇繫獄論死忠賢矯旨移之司
禮監給事中毛士龍糾之事幾寢忠賢恨次骨至九
月士龍與御史王允成李希輔孔先後劾輔忠姦貪

輔忠大懼朝等因誘以超擢令攻士龍輔忠遂誣許
士龍貪淫諸罪於是士龍除名而輔忠亦落職閒住
士龍傳所載亦同

諸姦黨攻擊正人多其所主使

按蘇民因逮周順昌擊緹騎時輔忠貽書巡撫毛一
鷺曰急以文震孟姚希孟入告少宰虛席以待會一
鷺業已禽顏佩韋等五人具獄事乃已見明史紀事
本末

謀之吳濬夫等先擊去銓

按是時杰等與濬夫及盧承欽李燦然王業浩劉徽
等合謀令陳朝輔先發濬夫繼之遂攻去銓及袁鯨

與劉徽先後攻紹徽紹徽覺其謀遂於辨疏中發之
曰有所推轂則必有所摧折者此也眾懼忠賢知之
乃寢其事見明史紀事本末

曹欽程附傳

訥爲忠賢鷹犬前後搏擊用力多忠賢深德之

按是時忠賢懷逆謀憚瑞惠桂三王在內訥卽疏趣
之藩三王遂行見明史紀事本末故崇禎二年所定
逆案訥罪狀有桐封迫遣陰贊逆謀之語

首劾罷戶部侍郎孫居相等

按是時與居相並被承欽劾罷者爲太僕少卿徐夢
麟大理卿曹珍工部侍郎董應舉給事中李遇知見

明實錄

請以黨人姓名罪狀榜示海內

按承欽是疏在天啟五年十二月於是黨籍刊而三朝要典之議起見明史紀事本末

由臨淮知縣擢御史

按大學士朱國禎之去也由徽與李蕃所劾見明史紀事本末

後與三畏訥承欽克新徽並入逆案

按崇禎二年所定逆案擬罪案云通內得選北道參解學龍侯恪至於削奪

王紹徽附傳

按應秋父事忠賢先後頌忠賢至三十九本見山書
霍維華傳

每陳奏必頌忠賢

按維華覆忠賢敘功疏有茅土尙覺其輕語聞者昨
舌見明史紀事本末

七年駱馬湖淤

按駱馬湖淤河渠志作八年此作七年互異

霍維華附傳

忠賢敗被劾罷

按劾罷蓄者爲給事中顏繼祖御史王之朝見明史
紀事本末

主事呂下問治徽州吳養春獄株累者數百家

按是時下問與大理寺丞許志吉窮治其事蔓引慘毒萬程不忍力爭不得遂棄官去徽民激變而忠賢以發姦論功廕錦衣指揮見明史紀事本末

閻鳴泰傳

鳴泰不能有所爲

按通鑑輯覽稱是時承宗亦察鳴泰無實略軍事多不與議鳴泰怏怏求去承宗亦引疾帝乃罷鳴泰慰留承宗

巡按張素養建之宣府大同

巡按下
添汪裕

按明史紀事本末及先撥志始稱是時宣大建福巡

按爲汪裕張素養且逆案內汪裕罪案云建祠守祠
諛頌七疏元臣功德天崇本有廠臣德耀乾坤勳在
社稷等語

應天巡按宋禎漢

按宋禎漢明史紀事本末作宋禎模

每一祠之費多者數十萬少者數萬

按諸祠窮極工巧像皆沈香木爲之眼耳口鼻宛轉
如生腹中肺腸皆金玉珠寶所爲髻空穴其一以簪
四時香花一祠像頭稍大匠人削之小豎抱頭慟哭
責匠人見明史紀事本末

而都城數十里祠宇相望

按是時潘汝禎建祠浙江巡按劉之待會稿述一日
卽削籍見通鑑輯覽蘇州道胡士容不具建祠文矯
旨逮治爲許顯純掠治論死見明史紀事本末

稱以堯天帝德

帝改舜

按帝德通鑑輯覽作舜德

監生陸萬齡至謂孔子作春秋忠賢作要典孔子誅少
正卯忠賢誅東林

按先撥志始萬齡疏具之俊爲奏請中旨許之之俊
復榜於通衢曰魏上公之功在禹之下孟子之上明
史紀事本末稱莊烈帝嗣位後之俊疏劾萬齡下之
獄蓋始則徇萬齡以媚逆璫繼乃借一劾以掩前罪

故之俊於逆案竟得漏網

賈繼春傳

遂引交結近侍律坐徒三年自恨死

律改又次等年
下刪自恨二字

按逆案之定除首逆同謀及逆孽軍犯而外凡外廷諸臣皆引交結近侍律特依本律者論斬而次等又次等則其罪亦遞減繼春依交結近侍又次等者故止坐徒此所載小誤

田爾耕傳

又與許顯純崔應元楊寶孫雲鶴有五虎之號

虎
彭

按是時爾耕等人目爲五彪五虎則文臣崔呈秀等也見忠賢本傳此誤

毒刑鍛鍊

按顯純之希指斃漣等也每一人死卽剔喉骨貯一小匣送忠賢以示信見先撥志始

明史攷證擴逸卷三十七

長洲王頌蔚編集

列傳第一百九十五 佞倖

紀綱傳

誣逮浙江按察使周新致之死

按綱使千戶緝事浙中作威受賕周新捕治之千戶脫走訴綱綱遂誣逮新旗校皆錦衣私人在道撈掠既至致之死事詳明實錄及周新傳

吳中故大豪沈萬三洪武時籍沒所漏賞尙富

按開國臣傳載萬三名富其弟萬四名貴以力田致富明祖初起萬三兄弟獻金佐軍用後其孫漢傑玠

等皆讀書仕宦未詳其籍沒事與傳互異

其黨敬江謙春瑛等誅譴有差

按明實錄時丁鉦亦以母喪預慶成宴被劾帝始悟其姦邪戍邊

門達傳

倚錦衣官校爲耳目

按明實錄天順二年冬十月李賢請罷錦衣官校刺事帝不許於是杲達等勢益熾

門達附傳

杲所遣校尉誣寧府弋陽王奠璫母子亂

按明實錄殺弋陽王奠璫爲天順五年夏五月事維

時令奠監兄奠培具實以聞且遣官與杲按問

寧王奠培等亦言無左驗

寧改培

按諸王傳稱靖王奠培後爲布政使崔恭所劾削奪
此作寧王誤

達大喜立奏聞請法司會鞫塡午門外

按大事記楊塡一作楊瑄爲彩漆軍匠時達逼瑄供
李賢主使瑄陽諾且曰我言於此無人證見不若請
鞫於廷達信之以聞此又一說

綸敗

按王綸爲東宮內侍嘗從侍讀學士錢溥受學英宗
疾綸私詣溥計事及英宗崩綸又衰服襲貂憲宗惡

之下獄

言官交章論其罪

按達坐調都勻衛左都御史李賓疏其罪當正國法
乃論斬初門達廷訊時負故強辯至賓前則曰公直
訊我遂引服見明實錄

李孜省傳

孜省緣是恨廷臣甚

按憲章錄時工部主事張吉上疏斥李孜省僧繼曉
等罪惡戶部主事周軫兵部郎中崔陞中書舍人丁
璣等亦上疏力言俱不報故孜省恨廷臣甚曰事構
逐

其年十月再復左通政益作威福

按時言者多觸上怒書姓名於屏者六十人吏部不敢推陞見憲章錄

謫致省常恩玉芝珥中經成邊衛

按是時四川番僧國師法王等俱追奪誥敕印信發回四川光相寺其吏部尙書李裕右都御史劉敷禮部侍郎黃景皆以附李致省故罷黜見憲章錄大事

記諸書

繼曉傳

員外郎凌俊請斬芳繼曉以謝天下

凌改林

按是時劾繼曉者爲林俊見識大錄及明實錄此作

凌俊誤

始勒爲民

按明實錄給事中李俊上疏致省繼曉輩尤中外所切齒乞行斥逐庶天變可回帝不得已勒繼曉爲民

江彬傳

七年賊漸平遣邊兵還鎮大同宣府

按朱國禎江彬亂政記時威寧伯仇鉞言邊兵从勞人馬俱病今賊漸平請留三之一餘遣還邊下廷議乃以劉暉等所部各千人益以內地兵五千人分屬之留鎮守餘軍俱遣還

賜斌泰國姓

斌改彬

按明實錄是時江彬許泰皆賜國姓此作斌泰誤

越二年遷都督僉事

按彬前征流賊次新河縣不進及盜去乃殺居民以
冒首功累爲言官所劾至是給事中潘垣核實以聞
上不之罪見江彬亂政記

永平知府毛思義忤彬下獄謫官

按是時永平知府毛思義下令謂大喪未舉聖駕必
不遠遊此皆姦徒矯詐煽惑人心百姓其各安業非
有府部撫按文書敢稱駕至擾民者捕治之武宗聞
之怒遂下獄見大事記

御史劉士元陳四不可不報

按是時指揮黃勳以供應擾民士元按治之勳逃至
行在因嬖幸入譖於是縛士元至軍門杖之仍繫獄
見明實錄

且極言酣酒當戒

按武宗嗜酒左右欲乘昏醉市權亂政常置酒以待
俟少醒卽奉以進或未溫輒冷飲之凡事顛倒皆以
此故金言不可者九無待強聒所戒者一莫甚於酒
最警切見江彬亂政記

遂得疾

按武宗及臨濤召太醫自京中至內侍密問狀曰病
亟矣可及還內耳及彬問則佯對曰何害行卽愈矣

見大事記

磔彬於市

按各鎮奏報有爲彬壅滯二三歲不得達者彬既執
一時赴鴻臚寺投進者凡九十九封赴通政司者九
藏彬家及鎮國府者又三十餘封見江彬亂政記

錢寧傳

爲寧王宸濠營復護衛

按朱國禎錢寧記寧於石徑山造寺窮極奢麗導上
遊幸及通宸濠爲江彬所覺彬私令寧掌衛事居中
不及從上出彬日譖之寧寵衰

陸炳傳

鸞憂懼死至剖棺戮屍

按大事記上收鸞妻孥下獄拷訊問反狀妻素識炳曰夫君有謀惟公知之何問我衆皆失色炳恚甚遂成鸞獄剖棺戮屍傳首九邊

積貲數百萬至勢傾天下

按炳於西湖建乳孃廟立宣公書院皆極崇麗別宅分置姬妾田園徧臨清揚州南昌承天等處勢傾天下威行宮省中外不稱官不稱號直曰陸堂云見朱國禎陸炳記

邵元節傳

世宗嗣位至日事齋醮

按明實錄嘉靖二年閏四月始修醮宮中時給事中
劉最劾崔文左道下獄謫戍後乃齋醮無虛日命夏
言充監禮使湛若水顧鼎臣充引導官自此詞臣都
以青詞干進

顧可學傳

二人皆褻官奪謚

按是時徐階草遺詔方士悉付法司論罪故可學端
明等亦俱褻官奪謚見明實錄

列傳第一百九十六 姦臣

胡惟庸傳

久之進左御史大夫

按明史紀事本末陳寧於九年同汪廣洋糾奏李善長善長父子徒跣謝罪上命釋之尋拜寧爲御史大夫

嚴嵩附傳

以考察謫東平州同知

按文華初爲主事有貪名出爲州判以賄嵩復入爲郎見明史紀事本末

植與嵩鄉里嘗勸嵩殺楊繼盛

按明史紀事本末繼盛繫獄每出朝審諸內臣士庶共指曰此天下義士國子司業王材語嵩曰人言籍籍謂繼盛且不免公不憂萬世耶嵩曰我行當救之

令其子世蕃謀之胡植鄢懋卿曰此養虎遺患也植亦言不可嵩遂決意殺之

溫體仁傳

遂用給事中許譽卿事逐之

按綏寇紀略震孟初入閣體仁有票擬必請正有改必從震孟曰溫公虛懷乃爾可謂好問官何吾駟曰是人伏機甚深何可深信越數日體仁知其疏凡震孟票擬竟抹去不用震孟拍案大呼以諸疏擲體仁體仁亦不顧未幾以許譽卿事罷之

列傳第一百九十七 流賊

李自成傳

魏忠賢黨喬應甲爲陝西巡撫朱童蒙爲延綏巡撫貪
黷不詰盜

按陝撫喬應甲貪婪狂易法紀廢弛有道臣袁養和
被劫請捕盜應甲反脇取養和千金延撫朱童蒙賂
削軍廩助三殿大工兵民側目見綏寇紀略

自成乃與兄子往從迎祥

按綏寇紀略自成妻韓氏故娼也與縣役蓋君祿通
自成殺淫者偕李過亡命甘州投甘督梅之煥所部
參將王國爲兵國奉調遣過金縣兵譁自成縛縣令
索餉并殺國遂反會高迎祥自號闖王自成往從之
故總兵楊九州戰死

按是時左良玉從宜赴嵩故總兵湯九州以千二百人從軍自效有夾勦之勢左中道遄歸九州以孤軍殺賊大勝窮追四十里誤入深崖爲賊所乘敗沒見綏寇紀略

遂連陷昭化劍州梓潼江油黎雅青州等州縣

青州改青川

按地理志四川並無青州惟龍安府有青川溪洪武六年設青川千戶所嘉靖末改龍安府與梓潼江油接壤明史紀事本末亦作陷青川彰明等縣蓋承洪武年間舊名也此作青州誤

典史潘夢科

按忠義傳作潘孟科

王世子由松裸而逃

松改崧

按由松諸王傳作由崧

尋屠陳州

按三月自成羅汝才合羣盜八十萬圍陳州副使關永傑率士民死守賊更番迭攻永傑戰死城上郡紳崔必之等手刃數賊被執而死賊怒屠之見明史紀事本末

豫人所謂柿園之役也

按傳庭出軍值天大雨糧車不進士卒凍餒采青柿爲食至於甚敗故豫人以爲柿園之役見綏寇紀略
令弘文館學士李化龍等草檄馳諭遠近指斥乘輿

按自成更鑄大錢設科目甯紹先僞充考官試定鼎
長安賦拔扶風舉人張文熙爲第一僞學士李化龍
臺諫宋衛等頌功德張形勢以指斥乘輿脅汧州縣
見綏寇紀略

張獻忠傳

獻忠及汝才皆就撫

按四年獻忠率衆二千人就撫於洪承疇五年復叛
見明史紀事本末

爲告文燦受其降

按獻忠旣降文燦賁賂黃金躡裏千珠琲盈斗他環
貨累萬萬而獻忠偏將韓城人辭姓者首輔辭國觀

之子姪行也走一騎出入國觀府中且徧見權貴人
自國觀以下無不受其賂者見綏寇紀略

汝才以戰敗乞降於太和山監軍太監李繼改

按羅汝才就撫文燦安其眾於房竹間與民錯壤而
處遙與獻忠爲聲援奪民禾而食不奉縣官法鄖楚
偏沅諸撫咸以爲憂文燦剛而愎又新有功而驕皆
不聽鄖襄人惴惴恐禍至無日矣見明史紀事本末
乃悉眾攻楚兵於土地嶺

按諸將營於土地嶺待賀人龍兵三復不至張應元
等所將楚兵五千人皆新募賊知官軍無後繼悉銳
攻之遂敗見明史紀事本末

推官酈曰廣

按明史紀事本末作酈曰廣

陷廬州

按獻忠先遣英霍游民陽爲貿易者潛入廬州城中
適督學御史以校士至郡獻忠遣賊數百負書卷衣
青衿雜諸生應試者旅寓城中夜漏二下獻忠卷甲
疾馳入城城中賊縱火應之城遂陷廬州城池高深
賊屢攻不能克至是一夕而陷見明史紀事本末

岳州陷

按武昌陷巡撫王聚奎南奔長沙推官蔡道憲請還
屯岳州謂岳與長沙唇齒也併力守岳則長沙可保

而衡永無虞聚奎屯岳數日仍南徙驅萬人入長沙所過如洗慘甚於賊尋遁入湘潭及賊至城下呼道憲曰吾軍中皆知爾名毋自苦也道憲挽強弩射之城陷被執百計誘降不屈磔之見明史紀事本末

巡撫陳士奇被殺

陳士奇改龍文光

按朝命龍文光代陳士奇爲巡撫士奇自謂知兵欲留以自効乃奔重慶重慶破與瑞王同遇害是士奇之死在破重慶時而破成都時所殺巡撫乃龍文光也此敘陳士奇被殺在進陷成都之後誤據陳士奇龍文光本傳改

列傳第一百九十八 湖廣土司

施州傳

初太祖卽吳王位

按吳元年左相國徐達按視湖湘以楊璟爲參政令
之招撫而別遣指揮使王遇成等攻討諸苗之未服
者乃隨服隨叛命江夏侯周德興東門侯吳海普定
侯陳桓靖寧侯葉昇徧平蠻寨大破辰九溪施南散
毛鎮南大旺諸洞見毛奇齡蠻司合志

蠻苗吳面兒之難諸土司田多荒廢

按洪武十八年吳面兒叛是時諸蠻出沒不常楚王
楨及湯和等抵其地恐蠻人驚潰乃於諸洞分屯立
柵與蠻民雜耕使不復疑久之以計禽其渠魁餘黨

悉潰師還留兵鎮之見明史紀事本末

及鎮邊隆奉二蠻夷官司

邊改遠

按鎮邊地理志作鎮遠此作邊誤

宣德二年

二改三

按宣德二年地理志及一統志俱作三年此作二年誤

散毛宣撫司副使黃縉瑄謀殺親兄律應斬

縉下加稱

然瑄罪重法不可宥

刪法字

中謫戍

按中逃歸舊巢築牛欄坪寨守之號天城自稱天城王流劫奉節雲陽間四十四年川湖兵勦中復降梟

於市見蠻司合志

永順傳

永順宣慰使順德汪倫

宣慰改安撫

按永順洪武二年爲州十二月置永順軍民安撫司
至六年十二月升軍民宣慰使司則五年不得卽稱
宣慰且汪倫旣稱宣慰使是已有宣慰矣下文又安
得云遂置宣慰使司乎據一統志及地理志改

遣人上其所受僞夏印

刪其字

廷瑞以女結婚於永順土舍彭世麟

按廷瑞以所擄女子詐爲己女嫁於土舍彭世麟爲
妾結驩世麟世麟白軍門受之見明史紀事本末

嘉靖六年

按嘉靖六年藤峽苗叛七年湖廣僉事汪濬等率永順兵進剿牛腸寨保靖兵進剿六寺等寨見明實錄保靖傳

宋置保靜州元爲保靖州安撫司

改宋置保靖州元因之屬新添葛蠻安撫

司

按保靖宋時始置保靖州見一統志此作保靜誤又考地理志及一統志元時亦爲保靖州屬新添葛蠻安撫司是元時保靖未嘗有安撫使也地理志太祖丙午年二月始置保靖安撫使則下文安撫使彭世雄卽屬明初所授此云元爲保靖州安撫司誤

明太祖之初起也安撫使彭世雄率其屬歸附

之字也
字其字

並刪

初保靖安撫彭萬里以洪武六年歸附

元六改

按上文言洪武元年安撫使彭萬里遣子奉表貢馬及方物因升爲宣慰司卽以萬里爲之與地理志一統志同此作六年誤

因殺藥俾

藥下增
哈字

保靖兩江口土舍彭惠

至

至是復與宣慰彭九霄構怨

按九霄彭藥哈俾之孫也惠以祖大蟲可宜革職死無所襲而九霄得襲祖職宣慰司忌之因爲仇正德中參將清宣慰司地賦惠所據九江口實宣慰地遂

奪九江口七寨歸九霄於是仇益甚見蠻司合志

列傳第一百九十九 四川土司一

烏蒙烏撒東川鎮雄傳

乃聚兵赤水河以拒之

按都督郭英等出永寧路多險阻諸將欲深入英曰
破敵貴先聲攻取必自近始舍近趨遠非策之上也
遂以兵攻赤水河去河二十里爲營時久雨水暴漲
英曰賊恃水漲不意我濟下令諸軍斬木造筏夜半
濟比曉敵始覺遂大驚潰見明史紀事本末

是月改七

按十五年夏四月烏撒東川芒部復叛六月上命安

陸侯吳復平涼侯費聚合征南三將軍進攻之秋七月沐英自大理還軍滇池會友德兵進攻烏撒大敗其衆則所謂是月者七月也見明史紀事本末及沐英傳

東川芒部諸夷種類皆出於羅羅

按羅羅本名盧鹿有黑白二種其先漢時從諸葛亮破孟獲封羅甸王世長其土兵爲諸苗之冠見崑谿織志

各立疆場

場改

初芒部土舍隴壽與庶弟隴政

按隴壽隴政皆芒部土官隴慰子見蠻司合志

宜亟趣都御史王廷相之任

按川撫王廷相同何卿進勦上官阿濟稱沙保已死
廷相據聞旣而御史施山總兵牛桓言沙保未死阿
濟言不實及唐鳳儀新任乃專責阿濟使之擒沙保
斬於軍門見蠻司合志

於是四川巡撫唐鳳儀言烏蒙烏撒諸土官故與芒部
爲唇齒

按八年四川巡撫唐鳳儀巡按戴金會奏議處芒部
七事一曰因地方以定土流二曰順夷情以續絕世
三曰尊威令以示懲戒四曰存四司以專責任五曰
明賞罰以定夷情六曰嚴守備以塞禍源七曰下重

令以戒聯結見明實錄

爲雲南巡撫閔洪學所敗

按閔洪學敗安劾良事在天啟五年見明史紀事本末

馬湖傳

土知府安鼇有罪伏誅

按嘉靖二年馬湖土巡檢安宇自言從征年久累獲首功奏乞改注職官兵部覆宇本安鼇之子法當安置廣西因四川用兵雖有功例應給賞而宇故辭之陰爲開復土官之地則先朝岑猛岑濬事可鑒也上遂不許見蠻司合志

建昌衛傳

皆宜增屯衛

按玉請增設諸衛且籍民爲兵上報設諸衛而不許籍民見明史紀事本末

永樂元年復置

按地理志永樂二年改置昌州威龍普濟三長官司此作元年互異

寧番衛傳

有菴山鎮西禮州中三千戶所

刪鎮西禮州中三六字

按禮州屬建昌衛見上建昌衛傳鎮西屬越巂衛見下越巂衛傳地理志亦言寧番衛領千戶所一止有

冕山此誤將禮州鎮西混入自相抵牾

越窩衛傳

漢邛都及闡二縣地

闡改闡

按漢書地理志有闡縣無闡縣

鹽井衛傳

古定竿縣也

竿改竿

按漢書地理志作定竿

會川衛傳

復立會川府

按地理志十五年復置會川府此作十七年互異

茂州衛傳

自唐武德改郡會川領羈縻州九

會川改會州

按茂州隋爲會州後改州爲汶山郡唐武德元年復曰會州四年改曰南會州此作會川誤

靜州長官

按靜州宋時蠻董姓者據其地號靜州蠻明置長官司岳希亦有長官司俱洪武七年置見一統志

松潘衛傳

曰蛸匝

按蛸匝地理志作蠟匝

曰潘幹寨

幹改幹

按潘幹寨地理志及蠻司台志俱作幹此作幹誤

十五年黑虎寨賊首多兒太伏誅

刪五字

按多兒太伏誅係正統十年事見明實錄此誤衍五字下文十一年可證

巡撫劉洪奏

按劉洪奏松疊溪禦蠻八事此係第二條見明實錄

天全傳

曩因礪門拒長河西口

拒改距

今聞有路自礪門出枯木任傷徑抵長河西口

路下增可枯改

柘任傷改場

按方輿紀要自礪門出柘木場徑抵長河西口此作

枯木任傷誤

黎州傳

臧乃卜最强世居西河

按萬厯初臧乃卜僭稱王殺略榮丁因賴村沐川長官以狀聞廷議征之以守備劉繼祖等爲將軍率總旗胡祿戰於大赤口祿中流矢死繼祖等被執都御史徐元太上書按赤口失律狀而都司李獻忠竟以孤軍擣賊巢諸將郭成等四路並進斬其渠魁臧乃卜乃降見蠻司合志

明史攷證臧逸卷三十七